

明

通

鑑

明通鑑卷十四

江西永甯知縣當塗夏燮編輯

紀十四

起昭陽協治盡旃凡三年

成祖啟天弘道高明肇運聖武神功純仁至孝文皇帝

永樂元年春正月己卯朔上御奉天殿受朝賀宴文武羣臣及屬國使  
郊  
乙酉享太廟  
辛卯大祀天地于南  
上之卽位也周王櫓齊王摶代王桂岷王楨前爲建文竄逐者皆復其爵至是詔仍故封各令之國谷王  
穗改封長沙上以其開門迎降尤德之賜樂七奏衛士

三百尋又增歲祿二千石 癸巳命保定侯孟善填遼  
東丁酉授宋晟爲平羌將軍填甘肅晟討涼州廣西番  
苗有功建文初命填甘肅至是以上卽位入朝進後軍  
左都督仍遣還鎮成祖據明史紀書晟填甘肅證之晟  
傳蓋晟本以建文時填甘肅至是因入賀復還鎮也  
今參晟傳書之 是月擢陳瑛左都御史 詔以北平  
爲北京二月庚戌設北京留守行後軍都督府行部國  
子監改北平曰順天府 乙卯遣御史分巡天下自是  
遂爲永制 丁巳遣官設奠于先師 戊午祭太社太  
稷 己未貽書鞬靼可汗郭勒齊舊作鬼  
力赤 初元自特古  
斯死五傳至坤特穆爾咸被弑後郭勒齊篡而代之自

稱可汗上卽位遣使諭以通好賜銀幣並及其知院阿  
魯台等是時郭勒齊與衛喇特相仇殺舊作瓦刺韓  
一作威往

來塞下上敕邊將嚴兵備之 徒封甯王權于南昌初

甯王之被誘入關也上許以事成中分天下比卽位大

甯城已空王乞改南奏請蘇州上曰畿內也請錢唐上

曰皇考以予五弟不果建文無道以王其弟亦不克享

其它善地惟弟擇焉遂封之南昌上親製詩送之詔卽

布政司爲王邸 癸亥耕藉田 乙丑遣司禮太監侯

顯使西域徵番僧也初西域烏斯藏攝帝師納木扎勒

巴勒藏布舊譯見  
三卷以洪武五年朝貢至京師太祖禮而

歸之十四年復貢時納木扎勒巴勒藏布已卒有僧哈里瑪勒舊作哈立麻國人以其有道術稱之爲尙師上在燕邸知其名欲致一見乃命顯偕僧智光齋書幣往徵之

並選壯士健馬護行自是中官銜命異域者先後接踵矣國史本紀二月遣使徵尙師哈立麻于烏斯藏使卽侯顯也然紀不書侯顯而于九月遣中官馬彬使爪哇則云初遣中官是以遣中官出使實始于馬彬然則前此所遣之侯顯非中官乎徵尙師于烏斯藏非出使乎又證之鄭和傳言成祖銳意通四夷奉使多用中貴西洋則和及王景宏西域則李達迺北則海童而西番則率使侯顯今以先後攷之中官出使之始于顯明甚而本紀但書遣使不書中官侯顯惟輯覽及三編以顯爲中官出使之始故其目云未幾又遣馬彬使爪哇蘇門答刺諸國李興使暹羅尹慶使滿刺加柯枝諸國于是中官銜命異域者四出紛紛矣今據三編書之○又按顯始傳言顯出使在是年之四月與本紀書二月遣

使不合或者以二月奉詔四月始行故紀傳互異耳輯  
賢亦系之四月惟重修三編改入二月據實錄也今從  
之

己巳振北京六府饑 辛未命三法司五日一引

奏罪囚 壬申詔瘞戰地暴骨 甲戌命高陽王高煦

備邊開平 是月改戶部尙書郭資刑部尙書雒僉爲

行部尙書 三月庚辰命江陰侯吳高填大同 壬午

改北平行都司爲大甯都司徙保定初太祖封甯王于

大甯以守北藩馮勝之征納克楚也築大甯寬和會州

富峪四城納克楚旣降尋置秦甯福餘朵顏三衛于烏

梁海舊作良哈元以居塞下之降附者而置北平行都司于

大甯治焉靖難師起刦甯王以歸選三衛士卒三千人

入關助戰數有功天下既定遂割大甯畀之以償其勞  
于是洪武間所築諸城悉廢竝調營州五屯衛及東勝  
左右衛悉遷之內地而遼東宣府之聲援一旦爲之隔  
絕 戊子命平江伯陳瑄督海運餉北京遼東初洪武  
間遼東及遼北諸路用兵悉資海運以餉軍士至三十  
年以遼餉贏羨令遼軍屯種其地而罷海運至是上以  
北方軍儲不足命瑄與都督僉事宣信皆充總兵官帥  
舟師由海道運糧四十九萬石于遼東北京自是歲以  
爲常 甲午振直隸北京山東河南饑時編修楊溥上  
疏言洪武間定制每縣四境設倉以官鈔糴穀儲備荒

歲之需振貸斂散皆有成規又于縣之各鄉開濬陂塘修築濱江近河隄岸以備水旱此皆萬世之利自有司雜務日繁便民之事卒不暇及一遇災荒莫知所措近聞南方官倉儲穀十處九空甚至倉亦無存原開陂塘多被土豪侵占及堙塞爲私田隄岸坍塌閘壩損壞皆爲農患大氐親民之官得其人則百廢興不得其人則百弊興伏望命部行移各布政司令有司遵依舊制竝加整理除近被災傷外凡豐稔之處于現有官鈔支糧穀粟儲以備荒郡縣考滿吏部計績以定殿最各按察司分巡官及巡按御史竝取勘實蹟歲終奏聞有欺蔽

怠事者罪之庶幾祖宗卽民良法不爲小人所壞矣疏入從之是月北鹵寇遼東三萬衛都指揮沈永不能禦又不奏聞上怒其欺蔽誅之瀋陽軍士唐順上書請開衛河其畧言衛河源出衛輝縣西北經衛輝城抵直沽入海距黃河陸路纔五十餘里若開衛河而距黃河百步置倉廩受南運糧餉至衛河交運公私兩便上命廷臣議之未及行夏四月丁未朔享太廟

初安南黎季犛復弑主日焜立其子頤已又弑之而立頤弟案案時方在襁褓中陝西載陳天平奏云成祖實錄三編質實云成祖實錄南王恒之孫裔之子日煃之弟也日煃卒弟璥立子覲繼之覲子頤廟子案皆爲季犛所弑與史傳小異季

莽欲篡其國復弑安大殺陳氏宗族遂自立更姓名曰  
胡一元名其子蒼曰胡奄謂出帝舜裔胡公後僭國號  
大虞年號元聖尋自稱太上皇傳位于奄是時靖難師  
起安南自帝其國匿不以聞及上卽位遣官詔告其國  
奄懼遣使奉表朝貢及是至京師表文自署權理安南  
國事詭言陳氏嗣絕臣陳氏甥爲衆所推權理國事于  
今四年乞賜封爵事下禮部部臣疑之請遣官廉訪上  
乃命行人楊渤等賚敕諭其陪臣耆老詢以陳氏繼嗣  
之有無及胡奄推戴之誠僞令具實以聞己酉命戶  
部尙書夏原吉巡視浙西治嘉湖蘇松水患時諸郡頻

罹于水屢敕有司治之無功原吉旣至循覽水勢上言  
浙西諸郡蘇松最居下流嘉湖常三郡頗高環以太湖  
綿亘五百餘里納杭湖宣歙溪澗之水散注澱山諸湖  
以入三泖頃爲浦港堙塞漲溢害稼拯治之法在濬吳  
淞諸浦按吳淞江袤二百餘里廣百五十餘丈西接太  
湖東通海前代常疏之而當潮夕之衝旋疏旋塞自吳  
江長橋抵下界浦百二十餘里水流雖通實多窄淺從  
浦抵上海南倉浦口百三十餘里潮汐淤塞已成平陸  
澗沙游泥難以施工嘉定劉江港卽古婁江徑入海常  
熟之白茆港徑入江皆廣川急流宜疏吳淞南北兩岸

安亭等浦引太湖諸水入劉家白茆二港使其勢分松江大黃浦乃通吳淞要道今下流遏塞難濬旁有范家浜至南倉浦口徑達海宜浚令深濶上接大黃浦以達泖湖之水庶幾復禹貢三江入海之舊水道既通乃相地勢各置石閘以時啟閉每歲水澇時預修圩岸以防暴流則水患可息上命發民丁開濬原吉晝夜徒步以身先之 癸亥萬壽節宴百官詔預定位次 辛未岷王楩有罪楩之廢于建文也西平侯沐晟實奏其過上卽位召還漳州使復其國而楩遂與晟交惡上兩戒敕之梗沈澗廢禮擅收諸司印信殺僇吏民上怒奪其冊

寶已念其幽繫久復予之僅示薄懲降其官屬而梗仍不悛甲戌命襄城伯李瀟填江西時永新盜起瀟捕其爲首者誅之尋召還

故國 据明史瀟傳蓋討  
永新賊也今據書之

是月

申定金銀交易之禁循洪武舊制通鈔法也自鈔法行定制民間交易錢鈔兼收而商賈大率重錢輕鈔至是復申其禁犯者以奸惡論其鈔楮香爛者許赴行在庫倒換新鈔然收受艱難故法雖嚴而禁不行五月丁丑除天下荒田未墾者額稅癸未宥死罪以下遞減一等丙戌以太祖忌日謁祭孝陵庚寅山東蝗命有司捕之未幾河南蝗詔免今年夏稅乙未敕諭烏

梁海

是月再諭靖難功封騎馬都尉袁容李讓皆爲

侯又以淇國公丘福等議封都督僉事李彬爲侯陳亨

子懋王真子通等六人皆爲伯殺右副都御史黃信

時尙書李至剛妻父罷重法當誅至剛乞免于上上曰

法司鞫獄輕重外人何由知之對曰此黃信爲臣言上

怒命錦衣衛鞫有實遂誅信

明史紀不載皇明通鑑系之四月國史紀聞系

之五月按殺信事見李至剛傳傳言信右都御史而七

卿年表不書辭職附紀聞以爲右副都御史是也

李至剛諸書皆作右通政證之本傳至剛于去

年十二月自右通政進禮部尙書今據書之

六月

壬子代王桂有罪上賜璽書戒之曰聞弟縱戮取財國人苦之告者數矣且王獨不記建文時耶尋詔有司自

今王府不得擅役軍民斂財物聽者竝治之

國開本紀書削其護衛

衛證之諸王傳代王有罪降敕戒諭在是年之十一月其下文云召入朝不至再召中途遣還革其三護衛則是戒諭在十一月削護衛又在明年蓋王妃爲仁孝皇后之妹上特優容之傳中所記本之實錄今據本紀系去削護衛字癸丑遣給事中御史分行天下撫安軍

民有司奸貪者逮治之丁巳上皇考尊謚曰太祖聖

神文武欽明啟運峻德成功統天大孝高皇帝皇妣曰

孝慈昭憲至仁文德承天順聖高皇后次點此成祖改上之謚號非後

定之二十字今揭書之曹國公李景隆等修太祖實錄成上之

戊辰命武安侯鄭亨充總兵官帥武城侯王聰安平

侯李遠填宣府亨密雲降將也從上戰數有功厯遷中

府左都督遂封侯亨至邊度宣府萬全懷來形便每數  
堡相距中擇一堡可容數堡士馬者爲高城深池浚井  
蓄水謹瞭望寇至夜舉火晝鳴礮併力堅守規畫周詳  
後莫能易 秋七月庚寅復貽書諭郭勒齊 八月己  
巳發流罪以下墾北京田 甲戌徙直隸蘇州等十郡  
浙江等九省富民實北京 九月癸未命寶源局鑄農  
器給山東被兵窮民 庚寅遣中官馬彬使爪哇蘇門  
答刺李興使暹羅等國

國

據本紀遣彬出使在是月

是年中官出使外城者凡四人  
侯顯在二月馬彬在九月紀皆書之惟李興尹慶不見  
證之外國傳興使暹羅在九月是與彬以同月命也慶  
出使滿刺加柯枝在十月今據傳分月書之又傳言彬  
使爪哇便道使蘇門答刺又使西洋瑣里國是彬出使

凡三  
國也

乙未奪厯城侯盛庸爵初上命庸鎮淮安旋移

山東庸常不自安都御史陳瑛誣以心懷異謀遂削爵下獄庸尋自殺瑛自廣西召還攝臺憲事天性殘忍受上寵任益務深刻專以搏擊爲能甫蒞事卽言陛下應天順人萬姓率服而廷臣有不順命効死建文者如侍郎黃觀少卿廖昇修撰王叔英紀善周是修按察使王良知縣顏伯璋等其心與叛逆無異請追僇之上曰朕誅奸臣不過齊黃數輩後二十九人中如張紇王鈍鄭賜黃福尹昌隆皆宥而用之況爾所言有不預此數者勿問後瑛聞方孝孺等獄詞遂簿觀叔英等家給配其

妻女疏族外親莫不連染大理少卿胡閏之獄所籍數百家號冤聲徹天兩列御史皆掩泣瑛亦色慘語人曰不以叛逆處此輩則吾等爲無名于是諸忠臣遂無遺種及擢任左都益以訐發爲能自劾庸後以次及諸勲戚中外文武無不側目重足矣庚子岷王梗復有罪削其護衛是月鎮守雲南西平侯沐晟奏車里宣撫司土官刁暹答侵威遠地虜其知州請發兵討之上謂兵部曰兵易動難安一或輕舉傷人必多且人有不善以理告諭未必不從如其不從加兵未晚乃敕晟遣人諭之刁暹答果悔懇乃還所虜知州及威遠之地遣人

入貢方物謝罪 冬十月乙巳朔享太廟 上之卽位  
也遣使詔諭外番諸國日本預焉日本王源道義遣使  
表貢方物至甯波禮官李至剛奏故事番使入中國不  
得私攜兵器器鬻民宜敕所司覈其舶諸違禁者悉籍送  
京師上曰外夷修貢履險蹈危所費實多有所齎以助  
資斧亦人情豈可概拘以禁令至其兵器亦准时直市  
之母阻向化 乙卯日本使者至京師上優禮之遣官  
護送還國竝賚道義冠服龜紐金章及錦綺紗羅細軟  
之物 是月遣中官尹慶使滿刺加柯枝等國 十一  
月乙亥朔頒麻于朝鮮諸國皆爲令 王辰罷遣浚河

民夫召夏原吉還

甲午北京地震是時山西甯夏亦震

乙未命六科辦事官言事上初卽位欲周知民隱  
命吏部尙書蹇義等凡郡縣考滿至京遷其識達治體  
者令于六科辦事俾各言所治郡縣事卒無言者上諭  
給事中朱原貞等曰郡縣之間豈無一事可言今在朕  
左右尙猶默默況遠在千萬里外乎卿等可以朕意諭  
之何利當興何弊當革皆勿隱若今不言有他人言之  
則無所逃罪矣丙申征南將軍韓觀討廣西山賊平  
之觀爲忠壯侯成之子生長兵間有勇畧洪武間厯平  
湖南廣西諸蠻凡前後斬獲以萬計建文初練兵德州

禦燕師無功上卽位以觀將家子委任如故遂由江西  
改填廣西而觀性鷙悍誅罰無所假下令如山人莫敢  
犯上旣命觀節制兩廣官軍知其嗜殺特賜璽書諭以  
蠻民易叛難服宜先以德義綏懷之母專殺僇會羣蠻  
復叛上遣員外郎李宗輔賚敕招之觀大陳兵示將發  
狀而遣使宿宗輔往于是桂林蠻復業者六千家惟思  
恩蠻未附而慶遠柳潯諸蠻方殺掠吏民觀乃上章請  
討遂與指揮葛森等擊斬理定諸縣山賊千一百八十  
有奇擒其酋五十餘人斬以徇獲其所掠男女歸之于  
民而撫輯其逃散者民皆大悅閏月丁卯封胡登爲

安南國王時楊渤等奉使至安南查復遣使隨渤還進  
其國陪臣父老所上表如查所以誑上者乞卽賜封爵  
上信之乃命禮部郎中夏止善賚敕賜封查遣使謝恩  
帝其國中自若

三編

御批曰安南旣列藩封其篡弑相尋固王法所必討然  
成祖自燕邸稱兵身冒不韪其得國所自與胡查父  
子亦何甚逕庭成祖旣欲明正其罪然自返慚德何  
以爲辭顧乃令具狀上聞興師進討其與楚靈王負  
慶封斧質以徇于軍者又何以異所以歸國之請使

方來而芹姑之伏兵已起坐爲遠夷所侮雖由黃中等昧于機宜亦其德不足以服遠雖攝以兵威終無益也

十二月甲戌侍讀學士解縉等奉敕修古今列女傳成上之上親製序文頒行壬辰詔禮部選國子監生三十餘人分詔天下軍民之家有收藏高廟御製宸翰詩文者皆送官繳進仍重賚之以建文遜去大內毀于火故也初衛河運糧之議倡自唐順而戶部尙書郁新謂轉餉北京出衛河交運雖陸路五十餘里驟難開濬而濟以車運實亦公私兩便之計乃上言自淮抵河多

淺灘跌坡運舟艱阻請別用淺船可載三百石者自淮河沙河運至陳州潁溪口跌坡下復用淺船可載二百石者運至跌坡上別用大船運入黃河至八柳樹諸處令河南車夫由陸運入衛河轉輸北京至爲近便上是其言是冬命都督僉事陳俊運淮安儀真倉糧百五十萬餘石赴陽武由衛河轉輸北京悉如新言行之時以爲便 是歲始命內臣出鎮故置此據明史本紀書于王世貞史料以中官出鎮始自永樂八年遣馬靖明史本革除備遺錄始于此年特書于本紀今據之初建文帝御內臣嚴燕師渡江率逃入軍中漏洩朝廷虛實然上甚德之及卽位行封賞諸宦官言功不已上患

之會遺顧成韓觀何福等出填貴州廣西甯夏諸邊別選宦官有謀畧者與之偕行賜公侯服位諸將上未幾置三大營又命以提督監京軍由是大權悉以委寄遂爲一代厲階之梗云 王午之獄凡建文諸臣不在榜中及捕至自陳爲奸臣所累不敢抗命者皆宥而用之時刑科給事中黃鉞以戶科左給事中召鉞已前死其家乃以行至中途溺水死聞避追錄也同時竑召者又有御史曾鳳韶廬陵人金川之難從建文帝出帝以其名在榜中恐累及其妻子宗族麾之使去鳳韶泣曰臣當以死報陛下遂歸上素重鉞名而鳳韶爲御史時奉

使至北平請罷兵歸國上雖不報雅器重之是年以原官召鳳韶不赴又以侍郎召鳳韶知不免乃刺血書衣襟曰予生廬陵忠節之邦素負剛鯁之腸讀書登進士

第仕宦至錦衣郎慨一死之得所可以含笑于地下而不愧吾文天祥屬妻李氏子公望勿易我衣卽以此斂

遂自殺時年二十九李亦守節死

歐陽黃錢曾鳳韶之召据野史皆在永樂

元年而錢已前死故其家以溺水聞所謂避追錄者是也鳳韶則以金川門陷後因建文不許其從亡遂歸廬陵明年復召乃自殺野史有謂鳳韶亦以建文四年靖

自殺者蓋因從亡中無其人也今仍据明史本傳難師之初起也遼王植畏其偪自泛海歸京師王府紀善績溪程通從焉入朝上封事數千言陳禦備策進左

長史上卽位從王徙荊州有言其前上封事多指斥者械至死于獄家屬戍邊竝捕其友人徽州知府黃希范論死一時先後坐事就逮者有黃彥清歙人官國子博士以前在梅殷軍中私謚建文帝被誅蔡運南昌人厯官四川叅政勁直不諧于俗罷歸復起知賓州有惠政至是亦追論奸黨死或曰運蓋從帝出亡云久石允常甯海人洪武二十七年進士官河南僉事廉介有聲坐事謫常州同知建文末帥兵防江軍潰棄官去後追錄廢周藩事繫獄二年免死戍邊建文之初朝鮮國王李旦表陳年老以子芳遠襲位許之上頒卽位詔于朝

鮮勞遠遣使至京師朝貢者六自是歲時貢賀以爲常  
又遣使請冕服書籍許之

二年春正月乙卯大祀南郊 丁巳定屯田賞罰例時  
尙書郁新上言河南等處管屯都指揮劉英等上屯田  
歲入之數臣部核計一人所耕不足自供半歲之食請  
定例凡管屯都指揮指揮及千百戶所管軍旗各以歲  
所入之數通計一歲軍士人食米十二石之外查均餘  
石數多寡以爲賞罰由巡按御史及按察司覈實以聞  
從之新又言湖廣屯田所產不一請皆得輸官粟穀糜  
黍大麥蕎穄二石准米一石稻穀葛秫二石五斗穆稗

明通鑑卷十四

十四

三石各准米一石豆小麥芝麻與米等著爲令 己巳  
召世子高熾及高陽王高煦還京師 是月夏原吉上  
言蘇松之水雖由故道入海而支流未盡疏洩請復往  
治之上從其言命原吉再行浚白茆塘劉家河大黃浦  
又以大理少卿袁復爲之副已復命陝西參政宋性副  
之凡九月工竣水洩蘇松農田大利原吉踰年始還

明史本紀不載惟王氏史稿有正月復命夏原吉治水蘇松之語又證之原吉傳言原吉召還京師聽訟備

詔詔賄奸之朝鑑以支流未盡疏洩請復治之乃

以正月復行明史稿系之是年正月是也今據增

壬

午大比之歲以靖難不舉元年八月始合南北兩京及  
十二藩補行之二月會試天下貢士以解縉黃淮爲考

試官中式楊相等四百七十人 三月乙巳賜曾棨等  
進士及第出身有差 己酉始選進士爲翰林院庶吉  
士初洪武乙丑始設庶吉士然擇進士爲之不專屬之  
翰林也至是既授一甲三人爲翰林修撰編修復命于  
第二甲擇文學優等楊相等五十人及善書者湯流等  
十人俱爲翰林院庶吉士于是庶吉士遂爲翰林之專  
官尋命解縉等選才資英敏者就學文淵閣縉等選修  
撰棨編修周述周孟簡及庶吉士楊相等凡二十八人  
以應二十八宿之數庶吉士周忱自陳少年願學上喜  
而俞之增忱爲二十九人時謂忱爲挨宿上命司禮監

月給筆墨紙光祿給朝暮饌禮部月給膏燭鈔人三錠  
工部擇近第宅居之上時至館召試五日一休沐必使  
內臣隨行且給校尉駕從是年所選王英王直段民周  
忱陳敬宗李時勉等名傳後世者不下十餘人

改選人編質實

云選進士爲庶吉士謂之館選其後或間科一選或連科屢選或數科不選所選多寡無定額比三年試之其留者二甲授編修三甲授檢討不得留者爲給事中御史主事或外爲州縣官謂之散館宣德五年始命學士教習以吏禮二部侍郎爲之

庚戌吏部奏有千戶薦士者定制武臣不得薦士請以違制罪之上曰馬周不因常何進乎  
武臣薦士亦其忠君愛國之心果才授之官否則罷之  
可耳不許 戊辰改封敷惠王允熙歐甯王奉懿文太

子祀 賈四月辛未朔置東宮官屬以吏部尚書蹇義

兼詹事翰林學士解縉兼右春坊大學士侍讀黃淮胡

廣以下皆兼庶子中允諭德等官 壬申以僧道衍爲

太子少師復姚姓賜名廣孝道衍佐上定策起兵凡轉

戰山東河北在軍三年或旋或否戰守機宜咸取決于

道衍雖未嘗臨戰陣然上用兵有天下道衍力爲多至

足論功弟一拜資善大夫上與語呼少師而不名命蓄

髮不肯賜第及兩宮人皆不受常歸僧寺冠帶而朝退

仍緇衣如僧服 甲戌立世子高熾爲皇太子初靖難

兵起世子居守高煦扈從數有功上以其類己高煦亦

以此自負謀奪嫡至是議建儲淇國公丘福駙馬都尉王甯等皆言高煦有功宜立獨兵部尙書金忠以爲不可忠自姚廣孝薦以卜得幸于上靖難師起召置左右決以疑事輒有驗又時進贊畫預機務上卽位論佐命功擢工部侍郎輔世子守北京會從召還進兵部尙書因議儲在上前厯數古適孽事上不能奪又密以告解縉黃淮尹昌隆等一日上詢之縉縉言世子仁孝天下歸心上不應已又頓首曰好聖孫上領之尋以問淮昌隆對皆與縉同先是太子未至諸臣屢請建儲上不允蓋意在高煦也一日諸臣應制題虎彪圖圖畫一虎領

衆彪作父子相親狀縉援筆成四絕句曰虎爲百獸尊  
誰敢觸其怒惟有父子情一步一回顧上感其意立召  
太子歸至是遂立之復以忠兼詹事與蹇義等同輔導  
太子同日封高煦漢王高燧趙王高煦旣不得立又聞  
之國雲南慄然曰我何罪乃斥萬里之遠卒不肯行以  
此益銜縉等因明史金忠傳建儲之議始于金忠  
成于解縉而縉之中譏責始于此郎瑛七  
修類稿載縉題虎顧衆彪圖上感其意立召太子是縉  
之歸心太子又在前也朱竹垞明詩綜以此爲楊廉夫  
作而傅會之按縉與廉夫相去不過數十年安知非編  
詩之竄入者且郎氏所記本彭文憲公畜德錄今按其  
四語與唐肅之賦海東青同一規  
詎體故竝入之不必核其真僞也壬午封琉球故山  
南王從弟應祖爲山南王琉球居東南大海中自古不

通中國至洪武初其國有三王曰中山曰山南曰山北皆以尙爲姓而中山最強山南次之山北爲最弱太祖卽位之五年遣使詔告其國中山王朝貢在先而山南山北竝接踵至先後貢獻不絕中山山南又屢遣子弟及寨官子來請肄業國學皆許之建文帝嗣位三王亦奉貢如故上卽位詔諭如前元年三王竝來貢皆賜冠帶遣之歸是年二月中旬山王世子武甯遣使告其父喪命禮部遣官諭祭賄以布帛遂命武甯襲位未幾山南王從弟應祖亦遣使告其故王承察度之喪謂故王無子傳位應祖乞加朝命且賜冠帶上竝從之遂遣官冊

封時山南使臣私齎白金詣處州市磁器禮部尙書李至剛請論其罪上曰遠方之人知求利而已安知中國禁令悉貰之

陝興

據明史本紀書汪應祖證之琉球傳

又云山南王從弟王應祖然本紀據實錄未知實錄何據也今據傳但書故王之從弟竝記其以尙爲姓事

是月文華寶鑑成先是上命侍臣輯古嘉言善行可爲法鑑者爲書以授太子至是成上召皇太子諭之曰修己治人之要具于此書帝王之道貴乎知要知要便足爲治又顧請臣解縉等曰帝王之學貴切已實用秦始皇教太子以法律晉元帝授太子以韓非帝王之道廢而不講所以亂也今此書所載皆大經大法卿等輔

導東宮日爲講說庶幾成其德業它日不失爲守成令  
主 五月壬寅命豐城侯李彬填廣東彬以元年討永  
新寇命帥師策應李靖未至寇平乃命以所統往填廣  
東又命清遠伯王友充總兵官帥舟師沿海捕倭 六  
月丁亥上諭吏科給事中曹崇曰官冗則坐食者衆食  
衆則力本者困生息之道由于節儉朕觀吏部錄中外  
官數比舊額增至數倍古云官不必備惟其人爾以此  
意諭吏部令諸司汰冗員以省國用而紓民力于是吏  
部尙書蹇義等言在京各官額外添設者送部別用在  
外令所轄上官嚴行考覈今年所取二甲三甲進士量

留七十人分隸諸司觀政各王府教授伴讀缺於第三  
甲內選用餘悉遣歸進學從之 辛卯張松江嘉興蘇  
州湖州饑少師姚廣孝奉使往賑蘇湖上諭之曰人君  
一衣一食皆取之于民民窮君豈可不恤君父也民子  
也爲子當孝爲父當慈各盡其道少師宜往體朕心毋  
爲國惜費廣孝少好學工詩與王賓高啟等友善宋濂  
蘇伯衡亦推獎之晚佐靖難功又著道餘錄頗詆先儒  
識者鄙焉至長洲候同產姊姊不納訪其友王賓賓亦  
不見但遙語曰和尙誤矣和尙誤矣復往見姊姊詈之  
廣孝慚而去 甲午封哈密恩克特穆爾舊作安克  
姑木兒爲

忠順王哈密東去嘉峪關一千六百里漢伊吾盧地元末以威武王納固爾舊作納忽里填之尋改封肅王卒弟恩

克特穆爾立洪武中太祖旣定輝和爾地置安定等衛

舊作納

漸逼哈密恩克特穆爾懼將納欵會上卽位遣官招諭

之許其以馬市易卽遣使來朝貢馬百九十四元年冬

至京師上賜賚有加竝命有司給直收其馬四千七百四十四匹擇良者十匹入內廄餘以給守邊騎士至是復

來貢請封詔封爲忠順王賜金印復貢馬謝恩踰年爲

韃靼可汗郭勒齊毒死國人以病卒聞

是月命翰林

院更試會試下第貢士擇文詞優等者得張鋐等六十

人上召見皆賜冠帶送國子監肄業

弘治紀諸書所載皆在是月設之選舉志言永樂初會試下第輒令錄其優者俾入學給以教諭之俸卽指此也今據書之

秋

七月壬戌有鄱陽儒士朱季友年七十餘詣闕上所著

書多斥濂洛關閩之說上覽之怒曰此儒之賊也遣行人押送饒州會同府縣官聲其罪杖之悉焚所著書

丙寅振江西湖廣水災 是月山東郡縣有野蠶成繭

有司以聞禮部尙書李至剛請百官表賀上曰野蠶成繭不過衣被一方必天下之民皆飽煖而無饑寒方可爲朕賀也不許 八月丁酉故安南國王陳日煃弟天平來奔先是胡查以詆上得封旋侵奪我思明邊境上

敕令還不聽尋復据占城訴稱安南侵掠脅彼國爲屬臣又邀奪天朝賜物上惡之方遣官切責而安南故陪臣裴伯耆詣闕告難言臣祖父皆執政大夫死國事而賊臣黎季犖父子弑主篡位屠僇忠良滅族者以百十數臣兄弟妻孥亦竝遭害臣棄軍遁逃伏處山谷思詣闕廷披瀝肝膽展轉數年始見天日竊惟季犖乃故經畧使黎國髦之子世事陳氏叨竊寵榮及其子蒼亦蒙貴任一旦篡奪更姓易名僭號改元忠臣良士無不痛心疾首臣不自量敢効申包胥之忠哀鳴闕下伏願興弔伐之師隆繼絕之義蕩除奸凶復立陳氏臣死且不

朽上得書感動命有司周以衣食未幾復据老撾國送  
天平至上言臣天平前王烜之孫荀子日煃弟也黎賊  
盡滅陳族臣越在外州獲免臣僚佐激于忠義推臣爲  
主方議興師討賊而賊衆我寡兵敗見迫倉皇出走竄  
伏巖谷萬死一生得達老撾恭惟皇帝陛下入正大統  
臣有所依歸匍匐萬里哀憇明廷陳氏後裔止臣一人  
臣與此賊不共戴天伏乞聖慈垂憐迅發六師用章天  
罰上益感動命所司館之會胡奈遣使來賀明年正旦  
上出天平示之皆錯愕下拜有泣者伯耆責使者以大  
義亦皇恐不能答上曰奈父子悖逆鬼神所不容而國

中臣民共爲欺蔽一國皆罪人也且遣使詰責令具其  
篡弑之實以聞九月丙午周王櫛來朝時櫛畋于鈞  
州獲驕虞獻之羣臣稱賀上曰祥瑞之來易令人驕是  
以古之明王皆遇祥自警未嘗因祥自怠警與怠安危  
繫焉驕虞若果爲祥在朕更當修省丁卯徙山西民  
萬戶實北京上謂吏部尙書蹇義曰往慮守令未必  
得人故命御史監察比聞御史至郡邑但坐公館召諸  
生及庶人之役于官者詢之輒以爲信如此何由得實  
宜入其境如其田野闢人民安禮讓興風俗厚境無盜  
賊吏無奸欺卽守令之賢能可知無是數者卽守令無

足取矣且詢言非一人好惡不同則毀譽亦異若但憑在官數人之言以定賢否其君子中正不阿小人賂遺求譽而卽墨及阿之毀譽出矣故孟子論取舍必微之國人自今御史巡行察吏毋得摭拾人言賢否皆具實蹟以聞解縉等七人之預機務也上嘗諭之曰爾七人朝夕左右朕嘉爾勤慎時爲宮中言之但恒情慎初易保終難願共勉焉因各賜五品服命七人命婦朝皇后于柔儀殿后勞賜備至又嘗以立春日賜縉等金綺衣與尙書埒縉等入謝上曰代言之司機密所繫且旦夕侍朕裨益不在尙書下也一日上御奉天門諭科臣

直言因顧縉等曰王魏之風世不多見若使進言者無所懼聽言者無所忤天下何患不治願與爾等共勉之是月始出胡儼爲國子祭酒不預機務縉等六人寵任如故福建布政司奏有番船漂至海岸詰之則云暹羅與琉球通好因籍其貨以聞上曰二國修好此甚美事不幸遭風正宜憐惜豈可因以爲利其令所司治舟給粟俟風便遣還冬十月丁丑河決開封壞城初河決率由開封北東行洪武之季下流淤塞河遂決而之南九月初據本紀在是月十月乃奏報之日月也今據紀系之是月丁丑

乙酉蒲城河津黃河清是月籍長興侯耿炳文家

炳文自殺先是刑部尙書鄭賜都御史陳瑛劾炳文衣服器皿有龍鳳飾玉帶用紅鞋僭逆不道詔籍其家炳文懼遂自殺炳文長子璿前軍都督僉事尙懿文太子長女江都公主建文初進駙馬都尉炳文北伐璿勸直孺北平不聽上卽位璿杜門稱疾坐罪死公主亦以憂卒次子璵後軍都督僉事建文時守山海關嘗勸楊文攻永平以動北平不聽後與弟尙寶司卿瑄同坐罪死炳文雖太祖功臣而以建文肺府之戚故賜等希指劾之遂坐誅次年國除而諸書皆作元年十月又炳文傳言燕王稱帝之明年疑被劾在元年誅在二年也今仍據本紀書之十一月甲辰上御

奉天門錄囚諭錦衣衛等官曰此等囚久在獄中而初至朕前欲辯則無及欲言則不敢爾等更以朕意從容審之如得其情猶可及時平反也 癸丑京師地震時

濟南開封亦震敕羣臣修省 戊午蠲蘇松嘉湖杭五府水災田租 是月上以海運但抵直沽別用小船轉

運北京命于天津置露圃千四百所以廣儲蓄 十二

月壬辰同州韓城黃河清 是月以禮部侍郎宋禮爲

工部尚書 曹國公李景隆有罪籍其家銅之初景隆

以迎降功加太子太保左柱國班諸臣之首衆皆不平會周王來朝發其建文時在邸受賊事詔勿問已成國

公朱能等復劾其與弟增枝謀逆有狀詔削勳號絕朝請至是李至剛復訐其家居不道事遂奪爵竝增枝及妻子數十人錮之私第沒其財產景隆遂廢

三年春正月庚戌大祀南郊 甲寅遣御史李琦行人

王樞齋敕諭責安南 庚申復免順天永平保定田租

二年 是月韃靼索和爾舊作掃  
湖兒請內屬許之索和爾

者阿嚕台之別部也與其部人察罕達嚕噶等舊作達  
魯花

皆先後來歸 二月己巳行部尚書雒僉有罪誅僉自

刑部改北京至是以言事忤上意陳瑛遂希指劾僉貪

暴下獄論死致異本紀作行部尚書是時建北京設行部也僉本刑部尚書元年二月改行部見

七卿年表

刑部

尚書

誤也皇明通紀云北京

行部

尚書

最爲明

折

癸未命趙王高燧居守北京

是月封哈密托克

托晚晚

爲忠順王

察選明史紀

但書恩克封忠順王于

在是年之二月据增  
皆不書今攷哈密傳

上聞恩克特穆爾卒遺官賜祭托

克托者恩克兒子也自幼俘入中國上拔之奴隸中俾

列宿衛至是欲令其歸嗣封爵恐其國不從遣官問之

不敢違請還主其衆乃冊封遣之國竝賜其祖母及母

綵幣托克托旋遣使貢馬謝恩

三月甲寅免湖廣被

水田租

夏四月壬申除直隸

浙江湖廣四川廣東江

西福建河南戶絕田租計田三萬五千一百八十餘頃

致選明史本紀不書今招三  
籍增入其目分据寶錄增

是月改工部尙書黃福

于行部 五月以書戒諭周楚齊蜀諸王 六月己卯

遣中官鄭和使西洋諸國建文帝之出亡也有言其在海外者上命和蹤跡之且藉以耀兵異域示中國富強乃命和及其儕王景弘等將士卒三萬七千餘人多賚金幣造大舶修四十四丈廣十八丈者六十二自蘇州劉家河泛海至福建自福州五虎門揚帆首達占城以次禍恩西南洋諸國宣天子詔因給賜其君長使之朝貢有不服者則以兵懾之自僕顯至西域後中官奉使外蕃後先相望而和與顯尤著云 庚辰遣中官山壽

等帥兵出雲州時上命武城侯王聰出覘邊塞別遣壽  
帥騎兵出雲州北行會之人齋一月糧每三十里置五  
騎以待馳報自上卽位後中官出使歲以爲常此又典  
兵之始云 甲申振蘇松嘉湖饑時戶部尙書夏原吉  
再治浙西水利工竣還上復命偕僉都御史俞士吉大  
理少卿袁復往竝發粟三十萬石給牛種有請召民佃  
水退淤田益賦者原吉馳疏止之姚廣孝還自浙西稱  
原吉曰古之遺愛也原吉初至浙西上使士吉齋水利  
書賜之因留督浙西農政湖州逋糧至六十萬石有司  
欲減其數以聞士吉曰欺君病民吾不爲也具以實奏

悉得免原吉奉使月餘會戶部尙書郁新卒復召原吉  
遷掌部事初戶部以鈔法不通由于出鈔太多收歛  
無法請暫行戶口食鹽法計口納鈔因議大口月食鹽  
一斤納鈔一貫小口半之至是以農民不便免其納鈔  
庚寅安南胡登遣使謝罪方李琦等至安南詣登纂  
弑之實國人莫敢隱會雲南甯遠州復訴登侵奪七寨  
掠其婿女登益懼乃遣其臣阮景真從琦等入朝抵言  
未嘗僭號改元請赦其罪願迎天平歸國奉以爲主且  
請退還甯遠及前所侵奪思明地上不虞其詐諭以果  
迎天平歸事以君禮卽當建爾上公封之大郡命行人

聰賚敕偕景真往

秋八月戊辰禮部尙書李至剛

坐事下獄

汲異本紀不載七卿表系之是月今据實錄日分

至剛以言事得上

心而務爲佞諛然其所建白亦多不用上既立太子令

兼左春坊大學士直東宮講筵與解縉後先進講至是

得罪尋斥之謫爲禮部郎中以縉嘗疏其附勢不端遂

與縉有隙九月丁酉蠲蘇松嘉湖水災田租凡三百

三十八萬石丁巳徙山西民萬戶實北京是月改

刑部尙書鄭賜爲禮部尙書擢真定知府呂震爲刑部

尙書冬十月乙丑殺駙馬都尉梅殷先是殷家居上

嘗遣中官伺察詞色恒不平于是陳瑛希指劾殷招納

已命私匿塞外人與女秀才劉氏朋邪咒詛上曰朕自處之因諭部臣考定公侯駙馬儀仗從人之數而別命錦衣衛執殷家人送遼東至是殷入朝前軍都督僉事譚深錦衣衛指揮趙曠擠殷笪橋下溺死以殷自投水聞都督同知許成發其事上命治深曠罪對曰上命也

安陽据明史紀書盜殺蓋本實錄之文而歸罪于譚深

趙曠二人故書之曰盜其實殷之被殺成祖使之事詳

甯國公主傳中今据三編刪盜字

竝據通紀增入對曰上命也五字

上大怒立命力士以金爪落二人齒斬之遣官爲殷治喪謚榮定而封許成爲永新伯初殷之死也甯國公主謂上果殺殷牽上衣大哭問駙馬安在上曰爲主跡賊毋自苦尋官殷二子

順昌爲中軍都督同知景福爲旗手衛指揮使賜公主書曰馴馬殷雖有過失兄以至親不問比聞溺死兄甚疑之許成來首已加爵賞謀害之人悉寘重法特報妹知之踰月進封甯國長公主鄂爾和舊作瓦  
刺灰者降人也

事殷久謂深曠實殺殷請于上斷二人手足剝其腸祭殷遂自經死丁卯齊王摶有罪摶之復國也益驕縱上召入朝面諭以毋忘患難時而摶不悛陰蓄刺客招異人術士爲咒詛又以護衛兵守青州城禁守吏往來上聞之賜書戒敕時周王櫛亦中浮言上書謝罪上命封其書以示摶攷異據本紀但書戒敕齊王證之諸王傳時周王亦中浮言上書謝罪上封其

舊以示  
樹故通紀並  
書之今據列傳增

戊子頒祖訓于諸王 十一月癸

巳加封信安伯張輔爲新城侯增祿三百石輔玉之長子也玉戰沒于東昌輔嗣職從入京師論靖難功封伯上又冊其妹爲妃至是邱福朱能言輔父子功高未可私親故薄其賞遂進爵同日又封平羌將軍宋晟爲西甯侯是時晟在甘肅招徠降附有功故進侯爵晟前後四鎮涼州凡二十餘年威信著絕域上以其舊臣有大將材專任以邊事所奏請輒報可御史劾晟自專上曰任人不專則不能成功況大將統制一邊甯能盡拘文法卽賜晟書褒諭之仍敕以便宜從事毋恤人言

是月下忠誠伯茹瑞于獄瑞以首勸進功得封又詔選  
其子鑑爲秦府郡主儀賓命瑞出營郡王府第還朝坐  
不送趙王得罪尋放歸爲民殺庶吉士章朴朴坐事  
與序班楊善同註誤家藏有方孝孺詩文善借觀之遂  
密以聞上怒逮朴修于市而復善官是時詔天下有收  
藏孝孺詩文者罪皆至死故朴及之孝孺門人王稌隱  
居山中絕意仕進輯孝孺遺文潛錄爲侯城集遂得行  
世稌忠文公禕之孫國子博士紳之子也十二月戊

辰西平侯沐晟討八百大甸降之攷遇明史本紀書討  
傳言永樂初置軍民宣慰司二以土官刀招你爲八百  
者乃宣慰司招你弟招散爲八百大甸宣慰司其邊阻

朝使乃八百大甸之刀招散非招你也今八百者相傳  
稱三編增入大甸二字並據其目書之

其部長有妻八百各領一寨故又名八百媳婦國以洪武二十一年入貢置宣慰司自後頻入貢賜予如例上卽位之二年置軍民宣慰使司凡二以土官刀招你爲八百者乃宣慰使以其弟刀招散爲八百大甸宣慰使令五年一貢已而遣內官齋敕諭孟定孟養等部道經八百大甸爲招散所阻上遣使敕諭不從至是始命晟帥車里諸宣慰兵至八百境內破其猛利石崖及者荅二寨又至整線寨木邦兵破其江下等十餘寨八百恐遣人詣軍門伏罪奏聞敕晟班師是月聶聰自安南

還胡登復遣其臣阮景真從聰等入朝具報請迎天平  
歸聰又力言登無貳心宜可信上從其言庚辰敕廣西  
左右副將軍黃中昌毅將兵五千護送天平還安南聰  
亦脩行 是歲日本復來貢初上冊立皇太子日本遣  
使來賀會對馬臺岐諸島賊抄掠濱海居民令使者歸  
諭其王捕之王發兵殲焉縛其魁二十人以修貢之便  
俘送至京師上嘉之遣鴻臚少卿潘賜偕中官王進賜  
其王九章冕服及錢鈔錦綺加等而還其所送之人令  
其國自治之使者至甯波盡置其人于餓蒸殺之上  
卽位之初有西洋刺泥國回回哈只馬哈沒奇等來朝

附載胡椒與民互市有司請徵其稅上曰商稅者國家  
抑逐末之民豈以爲利今夷人慕義遠來乃侵其利所  
得幾何而虧辱大體多矣不許是年以諸番貢使益多  
乃置驛于福建浙江廣東三舶司以館之福建曰來遠  
浙江曰安遠廣東曰懷遠厥後平安南復設交趾雲南  
市舶提舉司接西南諸國朝貢者悉以中官領之番舶  
既多抽分牟利而海上紛紛多事矣

明通鑑卷十五

江西永甯知縣當塗夏燮編輯

紀十五起柔兆掩茂盡上章攝提格凡五年

成祖文皇帝

永樂四年春正月丁未大祀南郊丙辰初御午朝上

謂六部及侍臣曰早朝四方奏事者多君臣之間不得  
盡所言午後事簡卿等有所欲言可以從容陳論毋以  
將晡疑朕倦于聽納朕有所欲言者亦可及此時與卿  
等商確行之是月陳天平陞辭上厚賚之並敕封胡  
奎順化郡公盡食所屬州縣遣侍郎俞士吉賚璽書

賜日本封其國之山爲壽安鎮國之山御製碑文頒立

山上 二月河南南陽盜起上謂兵部曰此雖小醜不

治將大元末可鑒也時豐城侯李彬方自廣東召還與

新城侯張輔帥師討平之明書系之二月國史紀聞系之正月明史紀不載今入之

三月辛卯朔上幸太學釋奠于先師孔子

服皮弁行四拜禮御彝倫堂賜講官及大臣翰林坐祭

酒胡餕司業張智等皆序進講堯典泰卦畢賜百官茶

還宮 甲午設開原廣甯馬市凡三一在開原南關以

待海西一在開原城東一在廣甯以待朮顏三衛旣而

城東廣甯皆廢唯南關市獨存 乙巳賜廷試進士林

環等及第出身有差丙午安南胡登襲殺陳天平于  
芹站先是黃中等送天平至邱溫登遣陪臣黃晦卿來  
迎中等以登不至遣騎覘之無所見而迎者壺漿相望

中不虞其詐遂徑進度雞陵關將至芹站寇伏兵邀殺

天平時大理卿薛嵒謫廣西中舉以輔行遇伏自經死

中等亟整兵擊之寇斬絕橋道不得進引兵還奏聞上

大怒遂議興師

成化明史本紀記大理卿薛嵒死之證之國史紀聞又有行人聶聰按聰以法

年使安南還復令再使故與嵒並遇伏而死惟諸書不載聰死事始談于此

夏四月上視

朝暇御便殿閱書史召翰林儒臣問文淵閣經史子集

皆備否解縉對曰經史粗備子集尙多闕耳己卯命禮

部遣使四出購求遺書 五月丁酉振常州廬州安慶  
饑 庚戌齊王博來朝廷臣復劾博罪博厲聲曰奸臣  
喋喋又欲效建文時事邪會盡斬此輩上聞之不懌留  
之京邸削其官屬護衛時廷臣請罪王府教授葉垣等  
上曰王性凶悖朕溫詔開諭至六七猶不悛教授輩如  
王何垣等先自歸發其事可勿問 是月錄囚諭法司  
曰決獄貴明而無滯前見刑部引奏遼東衛官縱軍士  
往高麗者一指揮專理屯田未嘗預知而一概逮繫久  
不疏決至于病危誤死是枉殺之也今天氣已熱徒流  
以下令所在發遣 六月己未朔日有食之是日陰雲

不見尙書鄭賜請賀上曰天下至大它處見者多矣且

陰陽家言日食而陰雲不見者水將爲災可賀乎不許

丙寅南陽獻瑞麥諭禮部曰比郡縣屢奏祥瑞獨此

爲豐年之兆命薦之宗廟 是月回回國進玉椀上曰

朕朝夕所用磁器甚適意奚事此且受之則必厚賚之

後將有奇異于此者接踵而至矣命卻之 西南夷大

古刺小古刺等部落皆來朝貢詔于雲南置宣撫使司

二長官司五統之或據皇明通紀是時因西南夷大

二長官司五以統之明書亦載大古刺來貢于 是年五月之末惟明史本紀是年朝貢之國無之大古刺之名

惟見土司八百國傳中其地在八百國之西通紀以爲西南夷者是也明會典宣撫司凡六湖廣則施南忠建

散毛容美凡四川則石砫酉陽凡二而据明史土司傳則四川有永甯宣撫司雲南有干崖宣撫司南甸二宣撫司又平麓川分其地置隴川宣撫司皆見明一統志通紀但云置雲南二宣撫司一統志言雲南之干崖南甸皆西南夷地未知所置卽此否也今据通紀系之是年六月下秋七月辛卯大發

兵討安南以成國公朱能爲征夷將軍沐晟張輔副之命兵部尙書劉雋參贊軍務行部尙書黃福大理寺卿陳治督餉敕沐晟帥兵由雲南臨安府朱能等帥兵由廣西思明府分道進發詔曰安南皆朕赤子惟黎季犛父子首惡必誅他脅從者皆釋之罪人旣得立陳氏子孫賢者毋怙亂毋翫寇毋毀廬墓毋害禾稼毋攘財貨掠子女毋殺降有一于此雖功不宥癸卯禱祭出師

乙巳申嚴誅謗之禁 初上以北平爲北京尙書李至剛以爲興王之地宜爲首善之區上是其言與近侍大臣密計數月先以爲行在閏月壬戌始下詔以明年五月建北京宮殿分遣大臣宋禮等采木于四川湖廣江西浙江山西等處命泰甯侯陳珪董治其事

八月丁酉詔通政司凡上書奏民事者雖小必以聞

齊王博

旣被留益懷怨望上乃召其子至京師癸丑竝廢爲庶

人 九月戊辰振蘇松常杭嘉湖流民復業者十二萬

餘戶 是月設苑馬寺于北京遼東平涼甘肅

欽定四庫全書  
明史紀不載據職官志在是年明

書系之九月今據之 冬十月戊子成國公朱能至

龍州卒子軍追封東平王謚武烈能旣卒張輔代領其衆詔以輔爲征夷將軍制詞以李文忠代開平王常遇春爲比且敕乘冬月瘴厲未興及時滅賊輔自廣西憑祥進兵度坡壘關望祭安南境內山川檄胡奩父子二十罪乙未連克隘留雞陵二關長驅至芹站安南伏兵邀擊敗而走遂抵新福會沐晟自雲南至庚子會于白鶴安南有東西二都依宣洮澗富良四江爲險寇緣江南北岸立柵聚舟其中築城于多邦隘遠亘九百餘里兵衆七百萬欲據險以老我師輔乃自新福移軍三帶州伐木造船以圖進取是月平江伯陳瑄督海運至

遼東舟還會倭寇沙門追擊至朝鮮境上焚其舟殺溺死者甚衆十一月己巳甘露降孝陵松柏醴泉出神樂觀薦之太廟賜百官是月戶部人材高文雅上書言時政通政司據以奏聞書中首舉建文事次及救荒恤民事陳瑛劾其狂妄請寘之法上曰草野之人何知忌諱其言苟可采奈何以直廢之諭鄭賜曰不罪直言則忠言進諛言退瑛刻薄非助朕爲善者命吏部量授文雅官十二月辛卯赦天下殊死以下是時法司進月繫囚數率數百人大辟十之一上曰寒沴淹禁必有死不當罪者凡縛犯死罪以下約二日悉發遣至是遂

大赦

張輔軍次富良江北遣驃騎將軍朱榮破安南

兵于嘉林江遂與晟合軍進攻多邦城丙申都督黃中等將死士人持炬火銅角以夜四鼓越重濠雲梯傳其城都指揮蔡福先登軍士蟻附而上角鳴萬炬齊舉城下兵鼓譟竝進遂入城賊驅象迎戰輔以畫獅蒙馬衝之翼以神機火器象反走賊大潰斬其帥二人追至繖圓山盡焚緣江木柵遂拔其城丁酉克東都吏民降附來歸者日以萬計皆撫輯之又遣別將李彬陳旭取西都癸卯亦克之黎季犛率衆來援皆大敗一時三江州縣望風送款季犛窮蹙乃焚宮室倉庫遁入海 辛亥

歐甯王允熙邸第火王舉薨謚曰哀簡是時廣澤懷恩  
二王皆自漳州建昌召還銅之鳳陽先後卒初建文帝  
太子文奎遇燕師入城宮中火起莫知所終少子文圭  
時方二歲幽之中都廣安宮號曰建庶人 是月西番  
尙師哈里瑪勒隨侯顯至京師 是歲琉球中山王遣  
寨官子六人入國學竝獻闈豎數人上曰彼亦人子無  
罪刑之何忍命禮部還之部臣言不受則阻其歸化之  
心請但賜勅止其再進上曰諭以空言不如示以實事  
今不遣還彼必將繼進天地以生物爲心帝王乃可絕  
人類乎竟還之

五年春正月丁卯大祀南郊。己巳張輔沐晟大破安南兵于木丸江。先是季犛父子遁泊黃江。輔等偵知其去交州不遠。令清遠伯王友帥兵悉破其江中寨。盡得其舟。遂乘勝定東潮。諒江諸府州賊悉舟師來援。遇于木丸江。大敗之。斬首萬餘級。溺死者無算。直隸及浙江諸郡軍民披荆爲僧赴京請度牒者千八百人。禮部以聞。上怒曰：「皇考之制，民年四十以上始聽出家。今犯禁者何多也？」命付兵部籍爲軍發戍遼東甘肅。因興諸書皆系

之二月今据實錄改入正月

是月以右都御史吳中爲工部尙書。

二月庚寅出翰林學士解縉爲廣西叅議縉以迎附

驥貴才高勇于任事然好臧否無顧忌廷臣多忮其寵  
又因建儲事獨歸心太子與邱福等異議高煦以此深  
恨之會朝議發兵討安南縉獨以爲不可失上意而太  
子旣立高煦寵益隆禮秩踰適縉復諫曰是啟爭也上  
不憚以縉離間骨肉恩禮浸衰四年賜黃淮等五人二  
品紗羅衣獨不及縉而福等議稍稍傳播外廷高煦遂  
譖縉洩禁中語至是有劾其上年廷試讀卷不公事遂  
有是謫禮部郎中李至剛挾下獄之嫌謂縉實中傷之  
乃奏言縉怨望尋改交趾命督餉化州弘治諸書或系之  
二月今据明史之正月或系之

本紀與寶錄同 三月丁巳封西番尙師哈里瑪勒爲

大寶法王哈里瑪勒之至也上迎見于奉天殿尋賜宴  
華蓋殿賞賚優厚至是命建普度大齋于靈谷寺爲高  
帝后薦福凡七日上躬自行香卿雲甘露青鳥白象之  
祥連日畢見上大悅侍臣多獻賦頌于是封哈里瑪勒  
爲法王領天下釋教其徒李隆迪瓦桑兒加等皆爲大  
國師已命哈里瑪勒赴五臺山建大齋再爲高皇帝后  
薦福賜子加渥辛巳張輔等追安南賊至富良江命  
都督柳升以舟師橫擊大破之斬馘數萬江水爲赤季  
薛父子以數小舟遁去是月下駙馬都尉胡觀于獄  
觀東川侯海子也初陳瑛劾觀強取民間女子娶媚爲

妾預李景隆逆謀詔以至親勿問罷其朝請至是瑛又  
劾其怨望遂逮之下獄 守衛官有於皇城下誦經不  
輒者上召諭之曰爾身備宿衛不用心防奸乃一志誦

經可乎若存心忠孝不越分違法自然有福如無是數  
者而望有福無禍得乎今後仍於宿衛之所誦經者必

罪不宥 夏四月辛卯皇長孫瞻基出閣就學時年十

歲改異明史本紀不載輯覽三編系之是年四月上使  
據傳氏明書在四月辛卯據實錄也今從之

少師姚廣孝等侍講讀諭之曰朕長孫天資明睿宜盡  
心開導凡經史所載孝弟仁義與夫帝王大訓可以經  
綸天下者日與講解不必如儒生繹章句工文詞也

己酉振順天河間保定饑 五月甲子張輔等生禽安

南黎季聰父子檻送京師安南平先是季聰父子以小舟遁至海門涇鵠淺時天晴水涸賊棄舟走官軍至驟雨水漲數尺舟畢渡抵茶籠縣循舉厥江至日南州奇羅海口衛卒王柴胡等生禽季聰及其子澄尋爲土人鄉導又獲僞王黎蒼卽胡查並其僞太子芮于高望山時上命輔等訪求陳氏子孫安南耆老千餘人詣軍門言陳氏爲黎賊殺盡無可繼者安南本中國地請仍入職方同郡縣輔等以聞上詢之羣臣皆曰設郡縣便從之 是月以禮部侍郎趙狃爲本部尚書狃以事每爲

言者所劾上不問至是進官賜宴華蓋殿撤膳羞遣其母河南饑命逮治有司匿災者諭都察院曰河南郡縣濱罹旱澇有司匿不以聞有言雨暘時若禾稼茂實者及遣人視之所收十不及四五或十不及一至掘草實爲食朕聞之惻然亟發粟振之已有饑死者此朕任用匪人之過已悉寘之法其榜諭天下凡有司遇災傷不以聞者皆罪之不宥六月癸未以安南平詔告天下改安南曰交趾設交州北江諒江三江建平新安建昌奉化清化鎮蠻諒山新平演州乂安順化凡十五府分轄三十六州一百八十一縣又設太原宣化嘉興歸

化廣威五州直隸布政司分轄二十九縣置三司以都督呂毅掌都司事黃中副之以前工部侍郎張顯宗福建布政司左叅政王平爲左右布政使前河南按察使阮友彰爲按察使又命行部尙書黃福兼掌布按二司其它要害咸設衛所控制之寶興明史本紀置交趾安南傳中輯覽所載謂設府十七直隸州五證之明史傳殊不合蓋初以太原宣化爲直隸州後升府治故有十七之數若是年置郡止十五也其直隸州則宣化名與府復而渙州係府治改入之直隸州中又于十七府中增入升華擬亦先後建置更易也重修三編載寶錄最詳具錄寶中今從之已丑以山陽

民丁鉉爲刑科給事中鉉居山陽見時嚴誹謗之禁乃許其鄉人里社賽神事指爲聚衆謀不軌坐死者數十

人法司因希指謂銓才可用立擢之由是陰伺百僚有  
小過輒以聞舉朝側目卒以貪蹟被劾戍邊 甲午詔  
自永樂二年六月後犯事去官者悉宥之 征南將軍  
韓觀在廣西值大兵討安南由憑祥入坡壘關觀帥所  
部營關下伐木治橋梁給軍食既平安南命觀措置交  
趾緣邊諸堡而柳潯諸蠻乘觀出復叛觀還師抵柳州  
賊望風遁匿觀乃上書請移征交趾兵討之且請俟秋  
涼深入上敕張輔分兵協助乙未輔遣都督朱廣方政  
帥兵往會上又遣使發湖廣廣東貴州三都司兵疾期  
進討 癸卯命張輔訪交趾人才禮遣赴京師是時安

南方入版圖上加意綏懷除黎氏一切苛政遭刑者悉  
放免居官者仍其舊與新除者參治凡有懷才抱德之  
彥敦遣赴京至是又詔訪求山林隱逸明經博學賢良  
方正孝弟力田聰明正直廉能幹濟下及書算兵法技  
藝術數之等悉以禮敦送至京錄用于是輔等先後奏  
舉九千餘人 初僉都御史俞士吉與大理少卿袁復  
先後爲陳瑛所劾同繫獄復死獄中士吉謫爲事官仍  
令治水蘇松是月召還復職上聖孝瑞應頌蓋指是年  
春番僧薦福事也上不憚曰爾爲大臣不言民間利病  
乃獻諛耶擲還之 秋七月乙卯皇后徐氏崩后好讀

書嘗爲上言當世賢才皆高皇帝所遺陛下不宜以新  
間舊又言帝堯施仁自親九族始上嘉納之嘗召六卿  
命婦入見諭之曰婦之事夫奚止餽食衣服而已必有  
助焉朋友之言有從有逆夫婦之言婉順易入吾旦夕  
侍上惟以生民爲念願共勉之嘗采女憲女戒作內訓  
二十篇又類編古人嘉言善行作勸善書頒行天下至  
是疾革惟勸上愛惜百姓廣求賢才恩禮宗室母驕畜  
外家崩年四十有六上悲慟爲薦大齋于靈谷天禧二  
寺聽羣臣致祭光祿爲具物丙辰敕禮部定喪儀  
丁卯河溢河南是月西甯侯宋晟卒晟嘗請入朝報

曰西北邊務一以委卿非召命毋輒來尋命營河西牧  
地及圖出塞方畧會晨病遂卒八月乙酉命都督何  
福移墳甘肅庚子錄囚襍犯死罪減等諸戍流以下  
釋之黎季聰旣禽餘黨竄山谷中出沒爲寇是月都  
督僉事高士文敗之廣源益兵進圍其寨垂破賊突走  
士文與戰中飛石死事聞追封建平伯九月壬子鄭  
和還西洋諸國皆遣使者隨和入朝竝執舊港酋長陳  
祖義至舊港者故三佛齊國也古名干陀利以洪武三  
年入貢九年請封而是時瓜哇強已威服三佛齊而役  
屬之聞天朝封其國爲王與己埒大怒遣人誘朝使邀

殺之會胡惟庸之亂貢使遂絕三十年禮部以諸蕃久  
缺貢奏聞太祖乃傳諭暹羅託言將遣使至爪哇恐中  
途爲三佛齊所阻令暹羅諭意爪哇使轉諭三佛齊維  
時三佛齊已爲爪哇所併改其名曰舊港而爪哇不能  
盡有其地于是華人流寓者往往起而據之遂有廣東  
人梁道明陳祖義先後自稱頭目于上卽位之四年各  
遣使朝貢而祖義復爲盜海上邀截往來貢使是年和  
自西洋還遣人招諭之祖義詐降謀邀刦有施進卿者  
告于和祖義來襲遂爲和所禽至是俘獻入朝命僇于  
都市 乙卯都督柳升俘送黎季犛及其子蒼等至京

師上御奉天門受之詔季犛父子及其僞將相悉付獄  
赦其子孫澄芮等令有司給衣食大賚征安南將士

冬十月甲午冊謚皇后曰仁孝皇后

洪武傳皇后崩在七月

乙卯下云甲午謚曰仁孝皇后按七月無甲午傳中牽連記之脫月分耳諸書皆系之十月蓋十月甲午也今從之○又是月辛巳朔明書及國史紀聞皆書日食明史及三編訓之蓋以麻推是月無日食也凡日食皆據正史後

韓觀討潯柳蠻平之時諸軍竝集分道進剿

觀自以貴州兩廣兵由柳州攻馬平來賓遷江賓州上

桂林羅城融縣皆破之與大兵會于象州進攻武宣東鄉

桂林貴平永福斬首萬餘級禽萬三千餘人羣蠻復定

捷聞上嘉勞之是月授交趾明經甘潤祖等十一人

爲諫江等處同知 增設北京苑馬寺凡六監二十四

苑 十一月甲子冬至以皇后喪免朝賀 丙寅彗星

見諭趙王高燧曰彗星見燕分爾宜謹出入慎邊防毋

稍怠忽

吸異事據三編又證之明史天文志在是月丙  
事在前一日黃惟實錄則云是夜彗星不見  
諭趙王今據正史

是月特命戶科給事中胡濱頒御製諸

書並訪仙人張選遍行天下州郡鄉邑時鄭和已還

上終疑建文帝遜國事故以訪異人爲名陰物色之

奉詔出垂十年乃還所至亦間以民隱聞

修永樂大

典書成上之初上卽位之元年諭學士解縉等曰天下

古今事物散載諸書篇帙浩繁未易檢閱朕欲悉采各

書所載事物類聚之而統之以韻嘗觀陰氏韻府羣玉  
錢氏回溪史韻二書事雖有統而紀載太畧卿等其如  
朕意凡書契以來經史子集百家至于天文地志陰陽  
醫卜僧道技藝之言備輯爲一書毋厭浩繁縉等奉詔  
編纂依韻排次于二年十一月上之賜名文獻大成既  
而上覽所進書尙多未備復敕太子少師姚廣孝刑部  
侍郎劉季箎與縉重修三人總其事復命學士王景王  
達等五人爲總裁侍讀鄒輯修撰梁潛曾棨等凡二十  
人副之旣又徵儒士陳濟擢爲都總裁又簡中外官及  
四方老宿有文學者充纂修選國子監及郡縣生員能

書者繕寫開館于文淵閣命光祿寺給朝暮膳至是書成凡二萬二千九百三十七卷一萬一千九十五冊更賜今名上親製序并其首濟武進人以布衣入館發凡起例區分鈎考秩然有條書成授右贊善十二月甲申朝鮮貢馬三千匹至遼東送之京師甲午以太祖戒飭功臣鐵榜及敕旨頒賜武臣是歲魏國公徐輝祖卒時上詔羣臣輝祖與齊黃輩謀危社稷朕念中山王有大功曲赦之今輝祖死中山王不可無後遂命輝祖長子欽嗣爵左中允楊士奇奉宮僚職甚謹是年進左諭德會廣東布政徐奇載嶺南土物饋廷臣或得

其目籍以進上閱無士奇名召問對曰奇赴廣時羣臣作詩文贈行臣適病弗預以故獨不及今受否未可知且物微當無它意上卽命取其籍燬之 中官尹慶至滿刺加其地在占城南昔役屬於暹羅無王號國號慶至宣示朝廷威德其酋大喜以三年隨慶入朝上嘉之始封爲滿刺加國王厚賚之復命慶往其使者言王慕義願同中國列郡歲効職貢請封其山爲一國之鎮許之是年始遣使入貢

六年春正月丁巳岷王梗復有罪削長史以下官屬

辛酉大祀南郊 初朝鮮國王李芳遠嗣位請立其子

褪爲世子從之是月世子褪來朝賜織金文綺及歸上  
親製詩賜之二月丁未除北京永樂五年以前逋賦  
免諸色課程三年肅王模在國以捶殺衛卒三人及  
受哈密進馬詔逮其長史官屬三月癸丑命甯陽伯  
陳懋佩征西將軍印填甯夏乙卯詔河南山東山西  
永樂五年以前逋賦亦除之鞞靼知院阿噶台以郭  
勒齊非元裔殺之而迎元之後布尼雅實哩舊作本于  
雅失里立爲可汗上聞之是月以書諭布呢  
巴什伯里舊作別失八里立爲可汗上聞之是月以書諭布呢  
雅實哩曰自元運既訖順帝後凡六傳瞬息之間未聞  
一人善終者我皇考高皇帝于元氏子孫加意撫恤來

歸者輒令北還如遣脫古思歸爲可汗此南北人所共知朕之心卽皇考之心茲元氏宗族不絕如綫去就之

機禍福由分爾宜審處之不報

改異郭勒被弑明史本紀及三編俱系于六年

之末證之明史韃靼傳蓋是年之春也國史紀開系之是年三月今從之

夏四月雲南巡

按御史陳敏言雲南自洪武中已設學校請如各布政

司三年一試從之丙申始詔雲南以本年八月舉行鄉

試五月壬戌夜京師地震六月庚辰詔罷北京諸

司不急之務及買辦以蘇民困流民來歸者復三年

丁亥張輔等班師還上交趾地圖東西相距千七百六十里南北二千八百里戶三百十二萬自唐之亾交趾

渝于蠻服四百餘年至是復入職方上大悅爲賦平安  
南歌 是月禮部尙書鄭賜卒以劉觀爲禮部尙書

秋七月癸丑諭平交趾功進封張輔英國公沐晟黔國  
公王友清遠侯封都督僉事柳升安遠伯餘各陞賞有  
差初交趾平上問夏原吉遷官與賞孰便對曰賞費于  
一時有限遷官爲後日費無窮也至是從之原吉雖居  
戶部遇國家大事輒令詳議召語移時 八月丙子朔  
以明年春巡幸北京命禮部翰林院定巡狩儀上之  
乙酉交趾復亂時交趾方爲郡縣中朝所置吏務以寬  
厚輯新造而蠻人自以非類數相驚恐有陳氏故官簡

定者先降將遣詣京師偕其黨陳希葛逃去與化州僞官鄧悉阮帥等謀叛定乃僭大號紀元興慶國曰大越出沒化州乂安山中伺大軍還卽出攻盤灘鹹子關扼三江府往來孔道寇交州近境慈廉威蠻上洪天堂應平石室諸州縣皆響應事聞詔沐晟爲征夷將軍統雲南貴州四川軍四萬人由雲南征討復命尙書劉雋參贊沐晟軍務丙戌詔曰成周營洛肇啟二都有虞勤民尤重巡省朕君臨天下統御之初已陞北平爲北京今國家無事省方維時將以明年二月巡幸北京命皇太子監國親王止離王城一程迎候官吏軍民于境內

朝見非經過之處毋得出竟凡道塗供應皆已節備有司不得有所進獻尋命禮部頒巡狩禮並行直省凡有重事及四夷來朝與進表者俱達行在所小事達京師啟皇太子奏聞是月淳泥國王來朝致異明史紀凡  
之歲終據淳泥傳蓋在是年八月明書作九月今從明史  
外蕃朝貢皆系淳泥地近瓜哇闊婆等國洪武間始一貢上卽位之三年其王麻那惹加那遣使入貢上遣官封爲國王王大悅至是率妃及弟妹子女陪臣泛海來朝次福建守臣以聞上遣中官迎勞遂至京師王執禮致詞甚恭上慰勞再三宴于奉天門妃以下饗于它所禮訖送入會同館踰兩月王卒于館中上

爲輶朝三日遣官致祭有司具棺槨明器葬之安德門  
外石子岡樹碑神道建祠墓側有司春秋祀以少牢謚  
曰恭順又賜敕封其子遐旺嗣爲國王九月己酉命  
刑部疏滯獄時科臣劾刑部都察院淹禁罪囚瘐死者  
衆上切責尙書呂震等期三日內悉疏襍犯死罪以下  
囚 癸亥遣鄭和復使西洋 冬十月右庶子楊榮有  
母喪榮以五年奉使甘肅經畫軍務歸奏所過山川形  
勢及軍民城堡上大悅踰年以父喪給傳歸旣葬起復  
視事至是連遭母喪乞歸上以北巡期迫不許 十一  
月丁巳錄囚 十二月丁酉沐晟及安南賊簡定戰于

生厥江敗績參贊尙書劉儒行至大安海口颶風作揚  
沙晝晦且戰且行爲賊所圍自經死交趾都司呂毅叅  
政劉昱皆力戰深入陷陳死之是月命安遠伯柳升  
平江伯陳瑄帥舟師沿海捕倭改刑部尙書呂震于  
禮部劉觀改刑部

七年春正月癸丑詔以上元節張燈弛夜禁賜百官假  
十日著爲令乙卯大祀南郊初洪武中設茶馬司  
令番人進馬者給以茶上馬一匹給茶百斤內外中下  
以次減之上卽位招徠遠人遞增其數至是碉門茶馬  
司用茶八萬觔僅易馬七十匹由是市馬者多而茶恒

不足茶禁亦稍弛馬又多瘦損乃詔申嚴茶禁增設洮州茶馬司又設甘肅茶馬司于陝西行都司地亥史本紀  
不載輯覽三編皆書之目中言洪武中以茶易馬上馬給茶八十斤中下以次減之據實錄之文也明史食貨志言洪武初置茶馬司河西番商以馬入雅州易茶由四川嚴州衛入黎州始達茶馬司定價馬一匹茶千八百斤于碉門茶課司給之番商往復迂遠而給茶太多嚴州衛乃請置茶馬司于嚴州而改貯碉門茶于其地且驗馬高下以爲茶數詔茶馬司仍舊而定上馬一匹茶二十斤中七十斤駒五十斤與實錄上馬八十斤不合法後嚴私茶出境互市之禁馬價稍減則茶價宜稍增然洪武之末太祖語戶部尚書郁新謂用陝西漢中茶三百萬斤可得馬三萬匹是所給之茶以馬之上中下牽算則上馬給茶亦當在百斤內外志又言太祖嚴私茶之禁驅馬都尉歐陽倫以私茶坐死蘇王惟恆乃製金牌信符命曹國公李景隆賚入諸番定要約牌凡四十一面共納馬一萬三千八百匹三歲一遣官合符其通道有二一出河州一出碉門運茶五十餘萬斤

獲馬萬三千八百匹然則馬價之賤通率上中下三等  
不過五十斤內外之茶數則又減前價之半矣若其初  
詔所定上馬給茶之數仍據食貨志大畧書之

二月乙亥遣使于巡幸所經

郡縣存問高年八十以上賜酒肉九十加帛丙子徵

致仕知府劉彥才等九十二人分署府州縣辛巳以

北巡告天地宗廟社稷壬午車駕發京師皇太子監

國命吏部尙書蹇義兵部尙書金忠右春坊大學士黃

淮左諭德楊士奇留輔太子戶部尙書夏原吉右諭德

金幼孜翰林學士胡廣右庶子楊榮扈從交趾之叛

復命英國公張輔清遠侯王友益發南畿浙江江西福

建湖廣廣東廣西軍四萬七千人助沐晟討之戊子

謁鳳陽皇陵 庚子次濟甯州魯王肇輝迎跪道旁召見行殿厚賚之 是月茹瑞下獄死瑞釋歸爲民其家人復告瑞不法事逮至京久之復釋還道經長沙不謁谷王王以爲言時方重藩王禮陳瑛遂劾瑞違祖制逮下錦衣衛獄瑞知不免命子銓市毒藥服之死瑛又劾銓毒其父請以謀殺父母論尋以銓實承父命減死與兄弟家屬二十七人謫戍河池 禮部試天下貢士中式陳璣等八十四人以上巡幸北京詔寄監讀書俟辛卯三月車駕還京始舉廷試 三月甲辰車駕次東平州望祭泰山辛亥次景州望祭恒山 乙卯行後府都

督僉事平安自殺安自靈壁被執送北平上憐其材卽位以爲北平都指揮使尋進是職至是上北巡將至覽章奏見安名語左右曰平保兒尙在耶安聞之遂自刎命以指揮祿給其子 壬戌車駕至北京

改易明史紀書壬戌諸書皆作壬辰誤也

三月癸亥大賚官吏軍民丙寅詔起兵

書壬戌諸書

時將士及北京効力人民裸犯死罪咸宥之充軍者官

復職軍民還籍伍 壬申柳升大破倭于青州海中追

至金州白山島奉敕還師 江淮饑都御史虞謙給事

中杜欽巡視兩淮啟軍民乏食請發廩振貸皇太子遣

人馳諭之曰軍民困乏噉噉待哺尙從容啟請待報獨

不聞汲黯事耶亟發廩振之毋緩 是月以夏原吉兼署行在禮兵二部及都察院禮部尙書趙狃兼署行在刑部兵部侍郎方賓晉本部尙書兼署行在吏部 四月癸酉朔皇太子攝享太廟 壬午海寇犯欽州副總兵李珪遣將擊敗之 閏月戊申諭尙書蹇義等皇太子所決庶務令六科逐月類奏以聞 丙辰行在法司奏請錄囚諭曰發遣以上皆五覆奏庶不失欽恤之意 五月己卯營山陵于昌平封其山曰天壽山 乙未封衛喇特舊作瓦刺三編瑪哈穆特舊作馬哈木爲順甯王太平爲賢義王巴圖博囉舊作把圖李羅爲安樂王衛喇特

又作威拉特

瑪哈穆特

舊作馬哈木

爲順甯

者蒙古部落也在韃靼西元也其強臣孟克特穆爾舊作  
猛可帖木兒據之上自起兵北平卽與通好已而孟克死衆

分爲三曰瑪哈穆特曰太平曰巴圖博囉其酋長也上

卽位遣使往告復使鎮撫諭之賜以文綺去年冬瑪哈

穆特等始遣諾觀達什

舊作  
荅失

等來貢馬請封至是遂

封之竝特進金紫光祿大夫賜之印誥蓋藉以控制韃

靼也 上之北巡也遣御史考覈郡縣長吏賢否以聞

六月壬寅御史還言汝上知縣史誠祖治行弟一上賜

璽書勞之曰守令承流宣化所以安利元元朕統御天

下夙夜求賢共圖治理往往下詢民間皆言苦吏苛急

能副朕心者實鮮爾敦厚老成恪共乃職持身勵志一于公廉平賦均徭政清訟簡民心悅戴境內稱安方古良吏亦復何讓特擢爾濟甯知州仍視汶上縣事其益恭乃職慎終如始以永嘉譽欽哉竝賜以上尊衣鈔誠祖解州人洪武末詣闕陳鹽法利弊太祖嘉納之擢授是職是時上過汶上欲徙其民數百家于膠州誠祖奏免之屢當遷職輒爲民奏留閱二十九年卒于任同時有貝秉彝者上虞人任東阿縣善決獄能以禮義導民歲大祲上平糶備荒議詔頒行各郡縣邑西南有巨浸積潦爲田害秉彝相視高下鑿渠引入大清河潤之得

沃壤數百頃民食其利尤善綜畫凡廢鐵敗皮朽索故  
紙悉藏之暇令工匠煮膠鑄杵擣紙綾索儲之庫會上  
北巡敕有司建席殿秉彝出所儲濟用工速竣上嘉其  
能將召之東阿耆老百餘人詣闈請留許之詔進一階  
上卽位以來守令多久于其任有遷擢者率令帶升銜  
仍在任視事先後間有錢唐知縣黃信中開化知縣夏  
升青田知縣謝子襄竝九載課最當遷其部民相率訴  
于上官乞再任巡按御史及布按等以聞上嘉之卽擢  
信中杭州知府升衢州子襄處州俾得治其故縣而吉  
水知縣錢本忠有廉名註誤罷官父老奔走號泣乞留

郡人胡廣力保之得還任民聞本忠復來空闇井迎拜

後卒官民哀慕請留葬邑中爭負土營其墳云

致興明史本紀

書是月壬寅察北巡郡縣長吏擢汶上知縣史誠祖治行弟一證之循吏傳言汶上知縣史誠祖治行弟一上

賜璽書

勞之擢爲濟甯知州仍視汶上縣事又言是時

上過汶上欲徙其民數百家于膠州誠祖奏免之而同時有東阿令貝秉煥亦以上過東阿知其能欲召之東

阿耆老百餘人詣閣請留許之詔進一階是二事同在一時也今竝前後守令之績

著于循吏傳者附入誠祖後

御史又上言今貪吏虐

民無如易州同知張騰立徵下獄 辛亥命給事中郭

驥使韃靼時布尼雅實哩擾邊境獲其部曲二十二人

上復使驥齎書往諭之不聽遂殺驥

致興憲章錄系之四月今據明史本

日 紀月 丁卯召御史張循理等十八人詢其出身有洪

秉等四人皆吏也上曰用人雖不專一途然御史爲朝廷耳目之寄宜用有學識達治體者乃黜秉等爲序班詔自今御史勿復用吏踰年復申諭吏部著爲令是月都御史陳瑛在臺黨附者率恃瑛爲與援瑛又恃上寵搏擊無忌太子之監國也有御史袁綱覃珩俱至兵部索皂隸兵部主事李貞不應綱等銜之遂附瑛謀陷貞謂貞受皂隸葉轉等四人金瑛奏請下貞獄無何貞妻擊登聞鼓訴冤太子命六部大臣廷鞫之自辰至午貞等不至惟葉轉至訊之云貞不承不勝拷掠死三皂隸皆笞死三日矣貞實未嘗受金于是刑科給事中耿

通等言瑛及綱珩朋奸蒙蔽擅殺無辜請罪瑛太子曰  
瑛大臣蓋爲下所欺失覺察耳置勿問械繫綱珩以其  
罪狀奏行在時又有學官坐事謫充太學膳夫者太子  
令法司與改役瑛格不行中允劉子春等復劾瑛方命  
自恣太子謂瑛曰卿用心刻薄不明政體殊非大臣之  
道由是深惡瑛而以上方寵任無如何久之上亦寢疏  
瑛國興三編系李貞方妖事于是年二月下蓋因太子  
監國率連記之也李貞事實錄入之六月方妖事入  
之七月今從之  
秋七月癸酉命淇國公鄆福爲征虜大將軍  
武城侯王聰同安侯霍親舊作火真副之靖安侯王忠安平  
侯李遠爲左右叅將帥精騎十萬北討布尼雅實哩諭

以毋失機毋輕犯敵一舉未捷俟再舉 是月御史方  
恢以附陳瑛匿父喪皇太子發其事執送行在罪之

八月甲寅淇國公邱福敗績于臚朐河福及副將軍王  
聰霍親左右參將王忠李遠皆死之全軍皆敗沒福之  
北征也時布尼雅實哩已爲威喇特所襲與阿嚕台徙  
居臚朐河福率千餘騎馳至河南遇遊兵擊破之軍未  
集福乘勝渡河獲鹵部尙書一人飲之酒問布尼雅實  
哩所在尙書言聞大兵至皇恐北走去此可三十里福  
大喜曰當疾馳禽之初福奉命已行上慮其輕敵連賜  
敕謂軍中有言敵易取者慎勿信之至是諸將請俟大

明通鑑卷十五

三

兵集偵虛實而後進福不從以所獲尙書爲鄉導薄敵營戰二日每戰敵輒佯敗引去福銳意乘之李遠諫曰將軍輕信敵間懸軍轉鬥敵示弱誘我深入必不利退則懼爲所乘獨可結營自固晝揚旗伐鼓出奇兵綴之夜多然炬鳴礮以張軍勢俟我軍畢至併力進攻卽其不捷亦可全師而還始上與將軍言何如而遂忘之乎王聰亦力言不可福皆不聽厲聲曰有不用命者斬卽先馳麾士卒從行控馬者皆泣下諸將不得已與俱俄而敵大至圍之數重聰戰死遠帥五百騎突陣殺數百人馬蹶與福等皆被執不屈死之上聞震怒以諸將無

足任者遂決計親征。庚申張輔敗安南賊于鹹子關。  
時阮帥等推簡定爲上皇別立陳季擴爲帝紀元重光。  
季擴本蠻人讒言陳氏後于是交人不忍陳氏之亡信  
而歸之賊勢益熾輔初至以賊負江海不利陸師乃駐  
北江仙游伐木叱覽山大造戰艦而撫諸逋寇使爲前  
驅遂連破慈廉廣威諸營柵偵其黨鄧景異扼南策州  
盧渡江太平橋乃進軍鹹子關僞將軍阮世每衆二萬  
對岸立寨柵列船六百餘艘樹檣東南爲扞蔽會秋令  
西北風急輔督諸將陳旭朱廣等悉載划船乘風齊進  
礮矢飛發斬首三千級生禽僞監門將軍潘低等二百

餘人奪船四百餘艘進擊景異景異先走乃定交州北江諒江新安建昌鎮蠻諸府是役也張輔遣都指揮同知徐政守盤灘賊黨鄧景異來攻政與戰飛鎗貫脇猶督兵力戰敗賊賊退腹潰死陝西徐政之死實錄系之八月辛丑今類記于張輔敗安南之下

九月庚午朔日有食之

韃靼布尼雅實哩

等徙居臚朐河欲收諸部潰卒窺河西北征之役上敕總兵官何福嚴兵爲備于是迤北王子國公等及司徒以下十餘人帥所部駐額齊訥路卽亦集乃見前乞內附福以聞上命庶子楊榮往佐福經理其衆至是悉降福親至額齊訥填撫之送其酋長于京師上嘉其功詔榮卽軍

中封福甯遠侯且詔福軍中事先行後聞

敵圉明史何  
福封侯詳本

傳中稽之功臣年表則九月庚子也按是月庚午朔無  
庚子傳氏明書系之是月朔日食之下則表中子字乃  
牛字之誤今刊改

張輔帥兵追安南賊于太平海口鄧景興

以三百艘迎戰復大破之甲戌贈北征死事李遠菖

國公王聰漳國公以二人力諫邱福故獨得褒卹

丙子命武安侯鄭亨壬午命成安侯郭亮同備邊開平

冬十月丁未上憶北征之敗歎曰邱福不用朕言以致

剛愎喪師詔削封爵徙其家屬于海南王忠霍親亦坐

除爵乙卯定行在諸司常朝及朔望儀是月上以

北征餽運艱難謂夏原吉曰工部所造武剛車足可輸

運然道遠人力難繼朕欲以所運糧緣邊築城貯之量  
留官軍守護以俟大軍之至此法良便于是原吉等議  
用武剛車三萬兩約運糧二十萬石踵軍而行過十日  
程築一城再十日程亦如之每城斟酌貯糧以俟回軍  
仍留軍守之如寇覺而遁則躡其後亦如前法築城貯  
糧詔如法行之十一月安南賊屢敗陳季擴懼遣人  
詣大軍自言陳氏後求紹封輔叱曰向者徧索陳氏後  
不應今詐也吾奉命討賊不知其它遂遣裨將朱榮蔡  
福等以步騎先進輔帥舟師繼之自黃江至神投海會  
師清化分道入荔江戊寅僉節定于美良山中及其黨

俱送京師誅之

十二月庚戌賜濟甯至良鄉民頻年

遞運者田租一年乙丑召英國公張輔班師還

月內官有誣奏城門郎罪者皇太子命治之

國選三編  
書始令內

官刺事然目中言太子治內官罪仍榜示今後內使有

言事不實及挾私枉人者寘之重典是令內官刺事不

始于是年也今但記太子

是冬進封甯陽伯陳懋爲

甯陽侯懋填甯夏招降故元丞相賀卜及平章司徒國

公等十餘人已而平章都連等叛去懋追至黑山禽之

盡收所部人口畜牧遂論功進侯爵

八年春正月辛未召陳懋扈從北征己卯皇太子攝

祀南郊癸巳免去年揚州淮安鳳陽陳州水災田租

又詔被災軍民有典鬻子女者官爲贖還。張輔討安南惟陳季擴走乂安未獲而季擴之黨有阮師檜者與僞金吾上將軍杜元措等別據東潮州安老縣之宜陽社師檜僭稱王有衆二萬餘人是月輔進擊之斬首四千五百餘級禽其黨范支陳原卿阮人柱等二千餘人悉斬之築爲京觀輔將班師上言季擴鄧景異等尚在湊州乂安近逼清化而賊黨又塞神投福成江口踞清化要路出沒乂安諸處若諸軍盡還恐沐晟兵少不敵請留都督江浩都指揮俞讓花英師祐等軍佐晟守禦從之竝命雲陽伯陳旭副晟以討季擴次年不載惟於七年

十月書召張輔還蓋輔將班師以陳季擴之黨  
未靖故平後始還也今據實錄在是月諸書同

二月

戊戌上將親征命皇長孫瞻基留守北京命戶部尙書  
夏原吉輔導兼掌行在部院事辛丑以北征詔天下  
乙巳皇太子錄囚奏責雜犯死罪以下報可丁未  
車駕發北京學士胡廣庶子楊榮諭德金幼孜從癸亥  
遣祭告所過名山大川乙丑大閱三月丁卯朔命清  
遠侯王友督中軍安遠伯柳升副之甯遠侯何福武安  
侯鄭亨督左右哨甯陽侯陳懋廣恩伯劉才督左右掖  
都督劉江督前哨戊辰駐蹕興和乙亥復大閱誓師丙  
子過大伯顏山小伯顏山登凌霄峯絕頂望漠北萬里

蕭條語侍臣曰元盛時此皆民居也丙申駐蹕清水原其地水鹹苦不可飲人馬俱渴行數里忽有甘泉溢出土取親嘗之賜名曰神應泉勒銘山上夏四月癸卯駐蹕元石坡勒銘于立馬峯戊申次楊林甲寅至廣武鎮庚申至威虜鎮是日行程無水命以橐駝自清治泊載水給衛士上視軍士食罷始進膳甲子次長清塞有泉水甚清賜名曰玉華泉夜漏初下上立行帳殿前指北斗語金幼孜等曰此爲極北之地遙望北斗皆在南矣丙寅駐蹕順安鎮五月丁卯朔發順安行十餘里見山中多白雲賜名曰白雲山度一岡遂臨臚朐河上

立馬久之賜名曰飲馬河又名其河上地曰平漠鎮已  
已發平漠行一日次蒼山峽會哨馬營遇虜騎擊走之  
得箭一枝馬四匹而還甲戌獲鹵騎知寇去此不遠于

是大兵遂渡飲馬河乙亥令王友駐兵河上留金幼孜  
在營上帥輕騎前進入齋二十日糧以方賓胡廣從謀  
報布尼雅實哩遁己卯上帥輕騎追及于鄂諾河舊作  
斡難河

布尼雅實哩拒戰上麾兵奮擊一呼敗之布尼棄輜  
重孳畜以七騎遁去鄂諾河者元太祖始興地也上之  
出塞也布尼雅實哩聞之懼欲與阿嚕台俱西阿嚕台  
不從其衆潰散于是君臣始各爲部布尼雅實哩西奔

阿噶台東奔至是布尼遠遁車駕還次飲馬河丙戌下詔移兵征阿噶台丁亥回回哈刺馬牙殺都指揮劉秉謙等據肅州以叛千戶朱迪等討平之時回回約赤斤蒙古爲援赤斤不應帥部下禽其賊六人以獻上嘉之改赤斤蒙古千戶所爲衛擢其長塔力尼爲指揮僉事其部下授官者三人是月沐晟討安南陳季擴于虞江季擴棄柵遁追至古靈縣及會潮靈長海口斬首三千餘級獲僞將軍黎弄季擴大蹙尋上表乞降

陝西  
追季

擴及獲黎弄事明史本紀不載三編據實錄書之是年十二月月中黎以先是二字蓋實錄分書追季擴于是年五月丁丑也今系之五月之末

六月丁酉車駕經庫楞

舊作海潤藻海子

遙望水高如山自上而下茫無津岸上謂金幼孜等曰此水周圍千餘里鄂諾盧朐凡七河皆注其中因賜名曰元冥池庚子至青楊戌癸卯夜度飛雲壑甲辰遇阿魯台于靜鹵鎮命諸將嚴陣以待遣人諭之降阿魯台欲來衆不可遂率所部來犯上自將精騎徑衝鹵陣大敗之追北百餘里丁未及之回曲津又大敗之己酉車駕發廣漠戍見虜騎尙出沒山谷間欲以蹠後邀我輜重上自帥精騎殿後禽數十人殲焉遂班師是月皇太子奏免潁州等處水災田租從之秋七月丁卯車駕次開平宴勞軍士初上在軍中每日暮中官具進膳

上曰軍士未食朕何忍先飽至是謂諸將侍臣曰朕自出塞久素食非乏肉也念軍士艱苦食不甘味耳是日宴賚始復常膳。壬午車駕至北京御奉天殿受朝賀賜夏原吉等鈔幣甲午諭功行賞有差。是月命西甯侯宋琥佩將軍印填甘肅琥晟之次子也以尚上女安成公主遂嗣封。八月壬寅進封柳升安遠侯。乙卯甯遠侯何福自殺初上以福舊臣寵任踰諸將福亦善引嫌有事未嘗專決在鎮嘗請取西平侯家翠昌蓄馬充孳牧上報曰皇考時貴近家多許養馬以示共享富貴爾所奏雖爲國然非待勲戚之道不聽至是從征數

違節度羣臣有言其罪者都御史陳瑛遂劾福怨望福懼自經死爵除庚申河溢開封壞城二百餘丈民被災者萬四千餘戶沒田七千五百餘頃上以國家藩屏重地特遣工部侍郎張信往視信河間王玉之從子也舉建文二年鄉試第一厯刑科都給事中數言事而從兄英國公輔尤重之屢薦其賢遂擢侍郎尋有是命是月長沙妖人李法良作亂時豐城侯李彬備倭海上皇太子命移師討平之因明史本紀不載惟李彬傳言彬時備倭海上皇太子命移  
師討平之形之備倭正在是年諸書系之八月今從之

九月己巳車駕幸天壽山

是月上聞周王櫺于國中作殿祀太祖賜書告以

支子不祭及諸侯不政祖天子諭之乃止

歐陽明史本紀及傳皆不載

諸書言周王請祀太祖于國中按成祖英嚴周王未敢請祀故實錄以爲出自上聞蓋私祀也今據書之

冬十月丁酉車駕發北京癸卯御製務本訓成上

以皇長孫生長深宮欲其知稼穡之艱難因巡幸命之

侍行使厯觀民情風俗及農桑勞苦之事且舉太祖創

業之難及往古興亡得失可爲鑒戒者書成賜名務本

云  
陝西諸書不載此  
據憲章錄月日

是月倭寇福州平海衛千戶繆

真戰沒十一月甲戌車駕還京師十二月癸巳朔

阿嚕台遣使貢馬納之戊戌河決汴梁壞城上聞黃

河水高三尺亟遣官往視之丁未以書諭阿嚕台

戊午宥安南陳季擴罪以爲交趾右布政使初安南之降上心知其詐姑許之竝其黨阮帥鄧景異陳原樽潘季祐等皆授都指揮叅政副使等官季擴卒不受命尋復反是歲復命中官王安王彥之等監都督譚青等軍又命馬靖巡視甘肅馬驥鎮交趾內臣監軍出鎮率以爲常  
碩尼堪舊作失  
捏干寇黃河東岸甯夏都指揮王  
似敗沒碩尼堪阿嚕台之子也

因襲  
據明史本紀系于  
是年證之韃靼傳失捏  
干卽阿嚕台子也是年五月征本雅失里旋移師征阿

嚕台失捏干入寇當在是時今据紀系之是年之末